

## Dr. Mahathir lancar buku *Langkah Pertama Membina Kerjaya*

UM 18 JUN 2003

KUALA LUMPUR 17 Jun — Datuk Seri Dr. Mahathir Mohamad hari ini melancarkan buku berjudul *Langkah Pertama Membina Kerjaya* di Pusat Dagangan Dunia Putra (PWTC) di sini.

Buku susunan Biro Tenaga dan Sumber Manusia Pergerakan Puteri UMNO dengan kerjasama Kementerian Sumber Manusia itu mengandungi tip dan panduan ringkas kepada generasi muda tentang bagaimana membuat persiapan diri bagi memasuki dunia kerjaya.

Pengerusi Biro Tenaga dan Sumber Manusia Puteri UMNO, Norashekin Yusof

berkata, usaha menyusun buku tersebut dilakukan dengan tujuan untuk membantu para pelajar lepasan sekolah melengkapkan diri dengan persediaan asas sebelum mereka melangkah kaki untuk menghadiri temuduga.

"Kami yakin dengan penggunaan bahasa yang ringkas, mudah dan penggunaan ilustrasi menarik, buku ini dapat memberi panduan yang berguna kepada mereka yang akan melangkah ke alam pekerjaan," katanya.

Menurut beliau, walaupun bahasa yang digunakan ringkas dan mudah, tetapi ia menekankan faktor-

faktor penting untuk menghadiri sesuatu temuduga bagi memberikan kelebihan di antara seorang calon dengan calon yang lain selain kelayakan akademik.

"Dalam arus globalisasi dan era teknologi maklumat yang semakin mencabar ini, setiap orang perlu meningkatkan diri dengan ilmu pengetahuan dan kemahiran baru, sesuai dengan permin-taan semasa," katanya.

Buku ini akan diedarkan kepada ahli-ahli Puteri dan pelajar lepasan sekolah secara percuma melalui kempen keahlian yang dianjurkan oleh pergerakan itu.